

## Wanem ya GESTRAD?

GESTRAD emi wan project we fiseries Dipatmen, I.R.D (Institute Research Development), mo Kav man blong France trifala ie wok tugeta blong traem lukluk long ol village we ie kat wan Tabu Area mo tu ie kat wan Manejmen Plan we emi kat olgeta loa we emi protektem ol samting insaet lo fishing area

Save blong olgeta long ol loa ya bae emi soemout se oli stap usem ol loa ya everidei or sipes oli no save ie minim se oli fogetem finis or oli no save se ie kat loa or no.



## Wea yumi karem out Wok?

Project ya emi wok long difren village lo Malekula mo Santo ol village ya l includim Port Ply, Turtle Bay, Tasiriki, Tasmate, Pelmoli, Pesena, Vunapou, Avunatari, Atariboe, Litzlitz, Tautu, Maskilynes, Tisman, Sarmet, Wiawi, Uripis

## Main tingting blong Project

- (1) Finem wanem Jalenjes Komuniti ie facem long manejmen blong risos?
- (2) Mekem wan Nasional Loa blong Rif Fis mo Troka?



## Risalt blong Sevei

Histri blong ol Local Loa stat long 1993 kasem tedei. Sipes emi jenis o no?

### Yia 90's kasem tudei 2011

Few vilig compare lo Efate oli bin karem sapot long Government mo Non Government Organisation blo improvum managenen blo marine resos. le mekem se ie no kat plante rules we ie kavremap plante samting lo solw ota.

Tedie plante vilij oli no putum local rule blo controlem harvest mo ali no kat save lo loa lo fiseries (fisheries regulation). Lo las 10 yia we ie pas finis ie gat wan smol impruvmen nomo lo saed blo manegem ol marine resos. (eg Tabu area)

From wanem? Ating emi from ol man lo komuniti oli no agri witem ol Loa ya? Or from Loa ie no strong tumas? Ol man oli no mekem tumas mani long solw ota?



## Manejmen blo lokal fiseries long yia 2011

Sevei ie bin finem out tu se ol Loa we ie lukaotem ol samting insaet nomo long Tabu Area. Be ie nogat rule blong lukaotem ol fis outsaeit lo Tabu Area except lo few vilij nomo (eg, Peskarus, Pelongk, Wiawi mo Sarmet)

Ie minim se outsaeit long ol Tabu Area blong yumi, man ie usem any kind saes net mo musket daeva long day mo naet be ie nogat toktok from.

Problem emi from se ol Tabu Area ie smol tumas lo fising aria blong wan vilij.

## Wanem mifala ie ting se ie gud blong yumi mas mekem:

### **Stampa tingting 1 : Enkarejem bigfala tabu eria**

Taem komuniti ie mekem Tabu long solw ota, emi protektem gud ol risos long reef mo mekem se namba blono fis mo sel ie kam bigwan.

#### **Ol Kaen Tabu**

Tabu long solw ota emi save wan **Permanent Ban** or wan tabu we ie mekem se ie tabu blong karem out fis lo Tabu aria be yumi save karem nomo taem fish ie muv outsaet.

Tabu emi save wan **Temporary Ban** or wan ban we yumi save openem blong yumi karem fis or sel.

Kaen ban ya emi save wok nomo sipos yumi controlem fishing. Olsem Hamas kilo fis wan family or nasara ie save karem, wanem blong usem blong kasem fish, hamas hawa bae tabu ie open.

Mo tu taem Tabu ie open bae emi blong salem nomo blong wanwan famle or community.



#### **Size blong Tabu eria :**

Risos emi No save bigwan taem we tabu aria ie smol. Komuniti ie mas mekem saes blo Tabu aria ie bigwan olsem 1 km kasem 2 km mo ko antap. Mo community ie mas putum rule aotsaed lo tabu area tu.

### **Stampa tingting 2 : Net**

Kav man blo Vanuatu ie mas putum wan stop long ol Stoaa oli NO mas salem net we emi difren long wanem mifala ie ting:

- **Longfala** blong Net emi NO mas bitim 50m blong mekem wan man ie no kasem tumas fis long wan dei.

- **Talfala** blong Net ie NO mas kasem 2m

- **Hole** blong net ie mas stat long 5 finga saes (9cm) mo antap blong mekem net ie kasem fis we ie no mekem bebe yet.

Be blong Sardine mo Manguru bae umi usem spesel net long hem we ie NO everiman bae ie kat or pem.



### **Stampa tingting 3 : Troka**

Mifala ie finem out se risos blo troka ie ko dow n bigwan long ol vilijes.

Ie mekem se yumi mas jensem manejmen blong hem long vilij level mo nasonal level.

Mifala ie ting se ie gud blong yumi putum wan **nasonal Tabu long Vanuatu**.

Be bae wan komuniti ie save karem troka nomo sipos oli requestem lo fisaris dipatmen.

**Fiseries bae ie MAS lukluk festime long solw ota**, blong talem hamas kilo komuniti ie save karem.



**Wanem emi tingting blong ufala  
long trifala stampa tingting ya?**